

hortique Præfectus, aut Joannes Franciscus PIOTTA Præfectus alter collegimus.

Quibusdam insuper alibi traditis speciebus nonnullas etiam addam observationes.

In fungis recensendis nomina præsertim ex cl. BULIARD mutuatus, nitidissimas hujusce auctoris figuras indicavi, quo facilior, promptiorque fiat eorum cognitio.

CREPIS *ambigua*, N. (*Tab. I.*)

C. foliis inferioribus dentatis hirtis bullatis, obliquis; superioribus linearibus dentatis, supremis linearibus integris.

Descr. Rad. perpendicularis.

Caulis erectus 2-3-4-pedalis et ultra, sulcatus, ramosissimus, inferne subtomentosus, superne glaber.

Folia inferiora, lanceolata, hirta, basi in petiolum angustata, dentata, dentibus inæqualibus integris, introrsum versis, superiora oblonga linearia ad instar *Scorzoneræ* undulata, dentata, suprema tandem linearia integerrima.

Rami floriferi dichotomi, alterni, subnudi, bracteati, bracteæ lineares concavæ.

Flores in dichotomia sub-sessiles, reliqui terminales.

Calix *exterior* aliquibus squammis, vel potius bracteis distinctus; *interior* squammis setaceis subimbricatis glaucis, pappi longitudine.

Corolla sulphurea pluribus flosculis composita, quarum laciniæ sunt 5 dentatæ.

Semina fusca, minuta, striata, 4, 5, vel 6 aristata, aristis simplicibus.

Crepidem hanc ob summam altitudinem *altissimam* primo appellaveram, subque hoc nomine in catalogo stirpium horti Botanici, mox in lucem edito indicavi.

Lecta est ab Ignatio MOLINERI in Liguria locis incultis ad agrorum margines, ac in olivetis prope *Savona* et *Loano*, vivensque planta ab eodem ex itinere anno Reipublicæ Gallicæ X suscepto, et in hortum botanicum allata, seminibus quoque dein exulta. Planta ab hisce orta seminibus tantam adeptæ est crassitiem, et altitudinem, ut monstruosa evaserit. Non floret, nisi quum a solis radiis est vehementer percussa. Biennis.

CRYPTOGAMIA.

FILICES.

POLYPODIUM leptophyllum, L.


P. frondibus bipinnatis sterilibus, brevissimis: pinnis cuneiformi lobatis. *Syst. veg. ed. 14, p. 938, Gerard. Gall. prov. p. 70.*

Asplenium filicinum leptophyllum elatius hispanicum. Barr. ic. 431 optima.

Raram hanc Polypodii speciem primus reperit eximius vir Bernardus TILLIER circa oppidum *di Piverone*, prope locum dictum *le Moliné de Palazzo*, misit-

Tab. 1.

Pl. II.



Crepis ambigua

Gravé par Chianale Amati et Vili à Paris

Auct. Balbis